

Svar

heilbrigðisráðherra við fyrirspurn frá Vilhjálmi Árnasyni um hag barna við foreldramissi.

1. *Hvíla frumkvæðisskyldur á heilbrigðisyfirvöldum til þess að kanna hag barna sem missa foreldra sína? Gilda tilteknir verkferlar um slíka könnun?*

Heilbrigðisyfirvöld hafa engar frumkvæðisskyldur eða heimildir samkvæmt lögum til þess að kanna hag barna sem missa foreldra sína.

2. *Hvaða málsvara hafa börn sem missa foreldra sína og hvaða réttinda og stuðnings njóta þau? Er eftirfylgni með stuðningi við þessi börn til 18 ára aldurs?*

Við dauðsfall foreldris reynir helst á barnalög, barnaverndarlög, lög um almannatryggingar, lög um ættleiðingu og erfðalög sem heyra ekki undir heilbrigðisráðherra. Hvað varðar réttindi og stuðning sem kveðið er á um í löggjöf sem heyrir undir heilbrigðisráðherra er um að ræða 13. gr. laga um slysatryggingar almannatrygginga, nr. 45/2015, en þar er kveðið á um að ef slys veldur dauða innan tveggja ára frá því að það bar að höndum eru greiddar dánarbætur til barna hins látna foreldris. Enn fremur er tekið fram í 1. gr. laga um sjúklingatryggingu, nr. 111/2000, að rétt til bóta samkvæmt lögunum eigi einnig þeir sem missa framfæranda við andlát sjúklings sem verður vegna líkamlegs eða geðræns tjóns í tengslum við rannsókn eða sjúkdómsmeðferðir á sjúkrahúsi, heilsugæslustöð eða annarri heilbrigðisstofnun, í sjúkraflutningum eða hjá heilbrigðisstarfsmanni sem starfar sjálfstætt.